

Ўзбекистонда олиб борилган катагонда фаол иштирок этган ва кўплаб бегунох ватандошларимизнинг ёстигини курутган кимсалардан бири Г. Агабековдир. Францияда чоп этилган «Ёш Туркистон» журналининг 1930 йил 11-сонида унинг Шермухаммадбек хакидаги бўхтон ва маломатларга тўла маколasi босилган. Журнал хайъати, афтидан, бу маколани советларнинг «босмачилар»ни фош этиш мақсадида хорижда таркатилган бирор нашридан олган ва Шермухаммадбекнинг унга раддия ёзишига умидвор бўлган. «Биз, — дейилади хайъатнинг шархида, — хакикий Туркистон миллатчиси бўлган Шермухаммадбекнинг бу чекистлар томонидан унинг устига отилмоқда бўлган доғни тозалаб олажагига инонамиз».

Кўп ўтмай, Шермухаммадбек Агабековнинг тухматномасига жавобан Кобулдан ўз раддиясини йўллаган.

«Мана энди, — дейилади журнал хайъатининг навбатдаги шархида, — Шермухаммадбек ўз раддиясини юбориб ўтирибдур. Бу раддия бўлмаса ҳам бизнинг Шермухаммадбекка раддияси ила большевикларнинг шайтонлигини яна бир дафъа ортук майдонга чиқаргон бўладур».

Журнал шу шарх билан Шермухаммадбекнинг Кобулдан йўллаган хатини чоп этади.

Куйида ушбу хат матнини айнан келтирамиз:

«Севикли афандилар!

Чин кўнгилдан кайнаб чиккан арз ила ихлос-хурматларимни қабул этингиз. «Ёш Туркистон» журналида бурунги чекистлардан Огабековнинг хотираларида меним устимга айтилгон кир бўхтонни ўкиб, жуда ўқиндим ва бу журналнинг ўз пайтида менга келиб етмаганига кўп кайгурдим.

Тангри ярлакасин, шу кунларда мухтарам муфти Садриддинхон хазратларининг Кобулга келиб чиқишлари журналнинг бу масала ила алоқадор сонини ўкиб чиқишимга сабаб бўлди. Шу пайтдаёқ кўлимга калам олиб, ўзимнинг миллий муқаддас вазифамни бажаришга, устимга ҳақсиз отилган қора тухматни иткитиб ташлашга қарор қилдим.

Истакли афандилар! Бизнинг миллий ва эзгу вазифаларимизни онглатиб, чизиб ўтишларингизга чин юракдан миннатдорлик қиламан. Тўгри, Туркистоннинг хур тирилиши учун кўкрагини қериб, қурашиб ўлган мингларча Туркистон шаҳидларининг муборак қонлари масъулияти устимизда эканлигини биз, мужоҳидлар, сира унутмаймиз. У мухтарам шарафлик шаҳид тугонларимизнинг қонлари бизни бундай кир манжус тузукка илинмаслигимизни амр этади. Оё бу кунларда большевикларнинг мингларча миллат ходимларимизни ноҳақ ўққа тизиб тургон қандай бир виждонсиз хоин уларнинг кўмагига қўл узатади экан?..

Мен Огабеков ва унинг манжус идораси ГПУ вакиллари билан ҳеч вақт ҳеч қандай ерда кўришмадим. Пул ҳам олмадим, ҳақимдаги сўзларнинг бошдан-оёқ кип-қизил ёлгон эканини очик-ойдин эълон қиламан.

Огабековнинг кўлида мени қоралайтургон қичкина бир далил бор бўлса, мана, майдон, марҳамат этсин! ГПУ тузогига илинадиган айгоқ қони менда йўқ. Мен бошқа мужоҳидлар билан бирга шараф билан милпатимнинг қутулиши учун қоришдим. Кўксимни ўққа девор қилиб уришдим. Уша синашда душманимиз бўлган зо лим большевиклар ила бундан кейин ҳам урушишга ҳозирман.

Мухтарам афандилар!

Меним юқорида ёзгон қичкина раддиямни менадан бўлмагон сабабларга биноан

кечикишига карамай, журналингизга босиб, дунёга таркатсангиз, бўйимга буюк бир миннат кўйгон бўлур эдингиз.

Тўлик хурматларимни қабул этингиз.

Шермухаммадбек.

Афғонистон. Кобул.

8 ноябрь 1934 йил»:

Бу хужжатни келтиришдан мақсад, аввало, совет даври тарихининг очилмаган саҳифаларини холисона ёритиш, совет сиёсий тузумининг Компартия, ВЧК, ЧК, ГПУ ва шу каби ташкилотларининг муҳолифларни нафақат ўз халқи олдида, балки жаҳон микёсида ҳам обрўсини тўқиш учун ҳар қандай қабихликдан қайтмаганлигини яна бир бор кўрсатишдир. Колаверса, ёш тарихчиларни истиклолчилик ҳаракати қатнашчиларининг ўз кўллари билан битилган ёки улар фаолиятига оид шу сингари хужжатларни топиш ва ўрганишга даъват этишдир.

Биз 1995 йилнинг кузида хизмат сафари билан АКШда бўлганимизда Нью-Йоркда истикомат қилаётган Давронбек исмли ватандошимизнинг хонадонига таклиф қилиндик. Давронбек номи юқорида неча бор тилга олинган Шермухаммадбекнинг ўгли бўлади. У билан бўлиб ўтган суҳбатимизда Шермухаммадбекнинг укаси Нурмухаммадбекнинг ўгли Анварбек ака ҳам қатнашди. Биз оилавий архив хужжатлари билан бафуржа танишиб чиқдик. Давронбек ва Анварбек ака ўз падари бузрукворларидан эшитган эсдаликларини, тарихий воқеаларни сўзлаб беришди, биз кунт билан тингладик ва диктофонга ёзиб ҳам олдик.

Шу суҳбатдан маълум бўлишича, ака-ука Шермухаммадбек ва Нурмухаммадбеклар бир гуруҳ понсодлар билан бирга 1927 йил шаъбон ойининг биринчи куни Кобул шаҳридаги Боги Алимардонда тўпланишади. Улар 1917—1924 йилларда Фаргона водийсида олиб борилган кураш лавҳаларини эшлашади ва андижонлик Абдулхай Махдум бўлиб ўтган суҳбатни келажак авлодларга тарихий хужжат сифатида қолдириш мақсадида ёзиб олади. Давронбек Абдулхай Махдум томонидан эски туркий тилда арабча имлода ёзилган мазкур хужжатни бизга лутфан тақдим этган бўлиб, унда мана бундай сўзлар бор:

«Мухтарам орқадошлар!

...Русияда хуррият тарафдорлари Русия императорлигига қарши бир ҳаракат этишибдур. 1333 хижрийда, иутобик 1917 исавийда мухториятларини олиб ҳар миллат ўз ҳуқуқига соҳиб ўлуб, икки йил хуррият тарихи ила сурди. Бу ҳуқумат ташкил ўлуб, усули салтанати усули машварот-ла тақдил этилдилар. Оқибат мухториятчилара қарши инқилобчилар ҳуруж қилиб, коммунист ёки большевик шиори ила буюк бир тўфон келтурди. Бу тўфоннинг ҳашоратлари ва захарлари-ла ҳайвонотлари бечора оқ гуруҳларни ҳалок этиб, мухториятни да махв этди. Бу мухораба икки йил давом этди. 1136 хижрийда большевизм галаба қозониб, бу нархнинг раҳнамоси асли яҳудий ва кейин руслашмиш Ленин номида бир инқилобчи ўлуб, бутун Русияда ҳоким ўлди. Сўнгра бу большевизмга Русия ва мусулмон миллатчилари тақрор исён этиб, бир тарафдан мухораба очдилар. Жумладан, ...Фаргона, Хива ва Бухоро атрофларидан чўх мужоҳидлар майдони мухорабая отилдилар. Булардан машҳурлари, етти йил давомида гайрат этганларидан икки кимса эди. Бири Фаргона мужоҳидлари раиси Шермухаммадбек эса, иккинчиси

Бухоро мужоҳидлари раиси Иброҳимбек эди...»

Шундан сўнг хужжатда Шермухаммадбекнинг таржимаи холи ва олиб борган курашидан айрим лавҳалар келтирилган. Куйида улардан айримларини айнан китобхонлар эътиборига ҳавола этамиз:

«Шермухаммадбек жаноблари зотинда бир ўзбек жамоасиндан ...ўлуб, оталари Кўшок Мирзо хожи номли бир зот эди. Булар отадан тўрт эр вужудга келиб: биринчиси Тошмухаммад, иккинчиси Рўзимухаммад, учинчиси Шермухаммад, тўртинчиси Нурмухаммадбеклар эди. Булардан учинчилари Шермухаммадбек большевизмдан ватанларини куткармок учун 1917 да мухорабага отилиб чиқди. Бу зот ибтидоий чиқдигинда юз нафарча йигитлари ила гайрат этиб, икки сиза тарофинда мингларча аскарларга соҳиблик ўлди. Шул вақтда Фаргонани ҳар бир атрофидан чиқмиш мужоҳидлара бошлиги, кўрбоши номи ила шуҳратланиб, умуман бир раислари йўк эди. Сўнгги саҳифаларда ёзилмиш 8 нафар кўмондон бир кўрбошилиқда ҳокими мулкдор каби ўз аскарларига ҳукм юритар эди. Сўнг бу кўрбошилар қувват топиб, 1918 да мазкур Шермухаммадбек умуман Фаргона мужоҳидларига раис ўлди. Бу раислиқда тўрт йил давом этди. Бу вақтда юз минг мунтазам аскарларга молик ўлуб, бир эр каби фармон этар эдилар. Шу 1924 сана Шаркий Бухородан Анвар пошо марҳум карши иш очиб, Шермухаммадбекни кўмак учун чақирди.

Жавобан Шермухаммадбек кўмак учун биродари Нурмухаммадбекни икки минг қахрамон йигитлари ила юбориб, ортидан ўзи ҳам Анвар пошо марҳум ҳузурларига юрдилар. Бахтсиз миллат Туркистон икболи йўқлигидан бу мужоҳидлар ҳар бирига етушмасдан, аввал Шаркий Бухоронинг бир қарияси атрофинда Балжувон номли шум бир ерда руслар тарафидан даҳшатли бир ҳужум Анвар пошо устину отилиб, бу ерда дохий, машхур қахрамон гозий Анвар пошони шафокат қони-ла бўяди.

Одами ислом учун бидмас даражада бир жарохат ва алам тортилди. Сўнг Шермухаммадбеклар етишуб, бу воқеадан чўх аламли ва гамгин ўлди. Сўнг етти кунга таъзия маросимларини адо этиб... очмок учун келмиш Сомийбек ила биргалиқда иш қилмок бўлдилар. Оқибат бу икки мужоҳидларга харғиз бадбахтлар ёлгон сўзлар тошуб, ўрталарига бир буюк адоват солди. Шермухаммадбек Сомийбекдан ажраб, тоғ тарафга юрмокчи бўлди. Сомийбек қувлаб ўкка тутди. Ўртада бир неча адад йигитлар шаҳид ўлуб, қувватлари бўлинди. Сўнг халокатлар бири ортидан бири келиб Сомийбекда, бошқасида бир тарафга қочди. Фурсатдан истефодаланиб, Русия буюк ҳужумлар этди. Шермухаммадбек жаноблари шу 1324 да 300 (уч юз) аскарлари хоқи муқаддас Афғонистона Бадахшонда, Хонабодда давлат тарафидан бир неча ой меҳмон этилдилар. Сўнгра мазкур сана давлати Хитойга бордилар. Ул ерда давлати Англиядан кўмак сўраб, Русияга карши такрор мухораба очмокчи ўлдилар. Сўнгра Хитой тарафасидан юриб, такрор Афғонистонга келуб, бу ерда давлати олия чўх кўмак ва пуллар берилиб, туз тотилдилар. Бу вақтда алар Кобулда муқим бўлиб, бир ойда минг рупия ҳукумат тарафидан кўмак олиб турардилар. Камина хизматқоринда Нормухаммадбек биродарлари ва бошқа 15—20 нафар йигитлари ҳозирдирлар. Атрофлари ила мухорабалар етишуб, миллат вазифаларинда қолишуб турмокдалар. Аллоҳ жаллаҳу жаллалох бек соҳибнинг максудларина ҳосил этсун. Омин!»

Мазкур хужжатда Фаргона водийсида большевикларга карши курашган лашқарбошилар, кўрбошилар на улар ҳақида маълумот келтирилган. Улардан энг машхурлари куйидагилар:

Шермухаммадбек 23 ёшида большевизмга карши курашга киришиб, аввал 13 минг, сўнгра

103 минг лашкарга эга бўлган. Унинг етакчилигида Эргашбек, Мадаминбек, Холхўжа эшон, Парпибек, Мухиддинбек, Омон Полвон, Нурмухаммадбек, Жонибек козилар миллий-озодлик йўлида кураш олиб борганлар.

Кўконлик Эргашбек 35 ёшида 6 йил уруш олиб борган, 12 минг аскари бўлган, мухораба майдонида шахид бўлган.

Маргилонлик Мадаминбек 23 ёшида 10 минг аскари билан уч йил уруш олиб борган, 1920 йил майида шахид бўлган.

Ўшлик Холхўжа 43 ёшида 8 та лашкар бошликлари, 10 минг аскари бўлган; бир гурух йигитлари билан Олой водийсида қор кўчкиси тагида қолиб кетган.

Анджонлик Парпибек кўрбоши 35 ёшида 8 нафар лашкар бошликларига, 10 минг жангчига эга бўлиб, 5 йил кураш олиб борган. 1921 йили Сузоқда шахид бўлган.

Кўжарлик Мухиддинбек 40 ёшидан бошлаб 11 та лашкарбоши, 13 минг киргиз йигитларидан иборат жангчилар билан 7 йил уруш олиб бориб, шахид бўлди.

Наманганлик Омон Полвон 6 лашкарбоши, 8 минг аскар билан 7 йил жанг қилиб, шахид бўлган.

Яккатутлик Нурмухаммадбек 18 ёшида 7 йил уруш олиб бориб, 1975 йили Туркияда вафот этган.

Ўзганлик Жонибек кози миллий курашни бошлаганида 50 ёшда эди. У 4 нафар лашкарбошига ва 10 минг аскарга эга бўлиб, 7 йил уруш олиб борган, сўнг Шаркий Туркистонга мухожир бўлиб ўтиб кетган.

Эргашбек кўрбошининг кўли остида куйидаги лашкарбошилар бўлган:

Кўконлик Эшмухаммадбек, 35 ёшда;

Олтиариклик Тўйчибек, 35 ёшда;

Кўштегирмонлик Мирзо Улугбек, 25 ёшда;

Яйпанлик Ислон Полвон, 35 ёшда;

Бешариклик Хамдам хожи, 35 ёшда;

Киссакўзлик Усмон дев, 30 ёшда;

Олтиариклик Султон Гозий, 40 ёшда;

Ворухлик Мулла Пўлат, 30 ёшда;

Сўхлик Абдурахим Махдум, 45 ёшда.

Мадаминбек кўрбошининг кўли остида куйидаги лашкарбошилар бўлган:

Найзакайрагочлик Солих Махдумбек, 30 ёшда;

Наманганлик Исмоил Полвон, 32 ёшда;

Калмоқлик Усмонбек, 33 ёшда;

Окёрлик Козокбойбек, 26 ёшда;

Коракийиклик Хошнм Полвон;

Имомоталик Холхўжа Сохиб кори, 35 ёшда; Аравонлик Йўлчибек, 32 ёшда;

Булокбошилик Теша Кайсар, 30 ёшда;

Ўшлик Оксок Ниёз, 25 ёшда;

Ўшлик Нўъмонбек, 20 ёшда;

Сузоклик Мулла Умрзокбек, 40 ёшда;

Ўшлик Саид Ахмадбек, 25 ёшда;

Султонободлик Йўлдош Полвон, 30 ёшда.

Буларнинг хаммаси большевиклар билан жангларда шахид бўлган. Уларнинг хар бири қарамоғида 1000—1200 нафардан ўзбек ўғлонлари бор эди.

Анджонлик Парпибек кўрбоши қарамоғида 7 нафар лашкарбоши бўлиб, хар бирида

1000—1200 йигит бўлган бу лашкарбошилар ҳам большевикларга қарши олиб борилган жангларда қахрамонларча шаҳид бўлишган. Улар қуйидагилардир:

Хирабеклик Юнусбек кўрбоши, 45 ёшда; Омончўралик Исроилбек;

Урганжилик Маҳкам хожи, 40 ёшда;

Мурободлик Козокбой, 25 ёш;

Мулла Абдураззок, 30 ёшда;

Андижонлик Охунжон, 35 ёшда;

Мирза Тога, 50 ёшда.

Омон Полвоннинг қўли остидаги лашкарбошилар: Куршоблик Раҳмонкулбек, 40 ёшда;

Баликчилик Йўлдош Чумок, 30 ёшда;

Хўжабодлик Сотиболди кози, 32 ёшда;

Баликчилик Рўзимухаммадбек, 27 ёшда;

Хивалик Хожи Тўрабек, 35 ёшда;

Момохонлик Бойтуманбек, 35 ёшда.

1000—1200 йигитларга раҳбарлик қилган бу лашкарбошилар ҳам шаҳид бўлганлар.

Мазкур ҳужжатга кўра, Нурмухаммадбекнинг қўмондонлиги остида қуйидаги 25 нафар лашкарбоши бўлган (энг ёши 18 ёшлик):

Кумариклик Сотиболди Соҳиб, 18 ёшда;

Гарбувалик Умар билан Тошмухаммад;

Абусиёлик Дардакбек;

Корасоқоллик Эргаш Полвон ва Юсуф Полвон;

Сувкечиклик Аскарбек;

Чеклик Раҳматали;

Хонариклик Жўрабек ва Эргаш;

Тевағумлик Авлиёхон Тўра;

Гарбувалик Рўзимухаммад;

Кизилоёқлик Аҳмад Полвон;

Зилғалик Алиёрбек ва Ганихон;

Суқоклик Тўхтасин;

Хўжаҳасанлик Умарали кулоқ;

Толмозорлик Мулла Хотам;

Шўрбулоқлик Муҳаммад Рўзибек;

Коросқонлик Юсуфжон Маҳмуд;

Жугонлик Мулла Пўлат;

Шоқир кўрбоши;

Тожиқкишлоқлик Қўшмурод;

Олтиариклик Қорабой;

Найнавалик Муҳаммадали.

Жонибек қозининг ихтиёрида 4 нафар лашкарбоши бўлиб, улар ҳам большевизм билан қурашда шаҳид бўлганлар:

Шамсибек, 47 ёшда;

Олайкуллик Жамолбек, 30 ёшда;

Ўзганлик, қуршоблик Кодирбеклар 35 ёшда, қирғиз;

Қуршоблик Путиков, 34 ёшда, рус.

1927 йили Кобулдаги Боги Алимардонда айтилган хотира ва тузилган шахид лашкарбошилар рўйхатидан кейин мана бу сўзлар битилган:
«Кабрингда рохат топ, миллат шахидлари, ёш Фаргона мужоҳидлари, қахрамонлари. Яшасун миллат қахрамонлари.
... Ох, Фаргона!».

Ўйлаймизки, Фаргона водийсида 1917—1924 йил- ларда олиб борилган ҳаракатда иштирок этиб, шахид кетган бу кўрбоши ва лашкарбошилар ҳамда уларнинг кўли остида жанг қилган йигитларни авлодлар мустамлакачилик даврининг қурбонлари сифатида тилга оладилар.

Р. Шамсутдинов